



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronicon M. Theodorici Engelhusii

Engelhusius, Theodoricus

Helmeſtadi[i], 1671

Incipit Secunda Aetas.

urn:nbn:de:hbz:466:1-10979

*Traditione patrum sic divido germina fratrum:
Sem tenet archatus Asia, Cham continet Affros
Iaphet in Europa, fit primus ille patrum.*

INCIPIT SECUNDA ÆTAS.

SEM qui & Melchisedech, cum esset c. annorum, biennio post diluuium genuit *Arfaxat*, cum aliis successive, quos hic prætermittimus, solam Christi generationem investigantes. Ab illo *Arfaxat* venerunt *Caldei*. Hoc tempore contigit ebrietas *Noë*, quem filius ejus *Cham* derisit, cujus hæc fuit progenies,
Pantheon:

Cham genuit Chanaan, de quo veniunt Chananæi

Atque Gomorreï, Iebuzæi, sunt & Evai,

Sive Pherezei sorte ferente Dei.

Has gentes populus parvum delevis Hebraus.

Sanctus ab Aegypto cum duceret hunc Moiseus

Cui datur è cælis manna pluisset Deus.

De isto *Cham* vide plura in *Thare*. *ARFAXAT* anno vitæ suæ xxxv genuit *Caynan*, quem *S. Lucas* interferit genealogiæ Christi, quem etiam *S. Augustinus* & *Iordanus* Episcopus hic ponunt: solus *S. Jeronymus* prætermisit. *CAYNAN* autem vitæ suæ xlii genuit *Sale* & obiit anno scilicet ccccxxx. *SALE* vero, à quo *Indi*, ædificat urbem *Salem*, quæ post dicta est *Iherusalem*; genuit *Heber* cum esset xxx annorū, & obiit anno suo ccccxxxiii. *HEBER* autem, à quo nomen & genus ceperunt *Hebræi*, quia in ejus domo remansit lingua *Hebræa*, divisione facta linguarum, genuit anno vitæ suæ xxxii ii. *Phalech*, & obiit anno suo ccccxliv. *Phalech* nomen habuit ab eventu. *Phalech* enim est divisio, quia in diebus ejus terra divisa fuit in lxxii linguas, cum turrim *Babyloniæ* expissent ædificare, diluuium redire timentes, *Nembros* filio *Chus* *Noë* nepote inchoante, anno
B mundi

mundi MDCCC. Turris illius altitudo dicitur habuisse M. M. M. M. M. CCCLXXIII passuum. De partibus autem orbis, provinciis & regionibus, vide alibi in Isidoro de proprietatibus rerum &c.

PHALECH cum esset annorum xxx genuit Reu, vel Ragu, obiit cccxxxix. Hoc tempore Noë, cum filii contra Dei & suam voluntatem turrim construere cœpissent, ipse cum filio suo *Ionico* ratem ascendens pervenit ad locum Europæ ubi nunc est *Roma*, & ibi constructo palatio, juxta Albulam, refedit, ubi nunc est Ecclesia S. Johannis, ad Janiculum à nomine filii sui Jano, non longe tandem ab urbe sepultus, ut ait *Estadius*, anno vitæ suæ DCCCCL. Iste *Jonicus* dicitur fuisse pater Nembrod venatoris, diciturque raptus in paradysum, unde tulerit rimum, quem plantavit, de quo facta est crux Domini, ut dicit *Panttheon & Scholastica historia*.

REU cum esset annorum xxxii, genuit Saruch, obiitque anno suo ccxl. Sub hoc regnum *Scytharum* i. e. Gothorum seu Tartarorum, secundum aliquos, ortum est, & licet id sit antiquissimum, tamen non computatur inter principalia regna, sicut nec multarum nationum regna, quæ non toti mundo nitebantur dominari, limitibus suis contenti. Ortum est etiam tunc *Aegyptiorum* regnum, quod duravit usque ad Octavianum Augustum, licet non continue, sed factis quibusdam interruptionibus.

SARUCH cum esset annorum xxx genuit Nachor, & obiit anno suo ccxxx. Regna iterum duo magna sunt exorta, scilicet *Assyriorum* sive *Babyloniorum*, & *Sicyoniorum* sive *Græcorum*. Apud Assyrios primus regnavit *Belus*, quem multi scribunt *Saturnum*, de quo orta est Idololatria, ut scribunt *Cornelius & Helinandus*. Mortuo enim Belo, *Ninus* filius ejus in solatium doloris fecit fieri patris imaginem, cui tantam exhibuit reverentiam, ut etiam reis & malefactoribus eam venerantibus parceret, unde homines cœperunt imagini divinos honores impendere,

dere, & exemplo illius etiam alii imagines fecerunt, quas juxta idiomata sua vocaverunt, alij *Bel*, alij *Baal*, *Baalim*, *Beelfegor*, &c. Unde *Isidorus* VII. Ethicorum: Quos populi Deos asserunt, homines olim fuisse produnt historiæ, qui pro suis meritis apud suos coli cœperunt, ut apud Ægyptum *Isis*, apud Cretam *Iovis*, apud Latinos *Faunus*, apud Athenas *Minerva*, apud Samum *Iuno*, apud Paphos *Venus*, apud Lemnos *Vulcanus*, apud Delos *Apollo*, &c. Ad idololatriam vero tria provocaverunt, scilicet affectio erga mortuos, ut jam dictum est, & adulatio erga Reges & potentes, & diligentia artificum in sculpendo & pingendo, ut patet in libro sapientiæ, cap. xv.

NACHOR cum esset annorum xxix genuit Thare vel Tharam, & obiit cl. Sub hoc *Ninus* cœpit condere *Niniven* civitatem in regione Assyriorum, quam etiam pater suus *Belus* ex progenie *Nembroth*, prius inceperat, sed *Ninus* ampliavit, universæ Asiæ præter Indos dominatus. Iste *Ninus* vicit *Zoroastrem*, qui regnavit in Bactria, & secundum Doctores fuit *Gham* adhuc vivens, qui dictus est *Zoroastres* à *Zoë*, i.e. vita, qf. vivens in astris, quia fuit astrologus. Et secundum *Augustinum* XXI. libro de Civ. Dei, fuit inventor magicæ artis; qui & septem artes liberales invenit, & scripsit in XIII. columnis, VII. æneis & VII. latericiis, contra utrumque scilicet ignis & aquæ diluvium. De hoc dicit *Solinus*, quod mox natus risit. Cujus libros *Ninus* combussit: *Aristoteles* tamen scribit, se vigesies centum versus ab eo factos reperisse, ut ait *Helinandus*.

THARE (anno Nini regis Assyriorum XLIII, qui est annus circiter MCCXXXVIII ante conditam Romam, velut alteram in occidente Babyloniam. Item ab eodem XLIII anno Nini, usque ad Trojæ captivitatem, sunt anni DCCCXXXIII; & idem numerus est à XXII anno Europis Regis Sicyoniorum, usque ad Trojæ captivitatem, & similiter idem numerus à nativitate Abrahæ, usque ad tertium annum Labdon, judicis Israël. Fue-

runt scilicet *Ninus* vel *Semiramis* apud *Assyrios*, *Europa* apud *Sicyonios*, *Thebai* apud *Aegyptios*, *Abraham* apud *Hebræos*. A.) cum esset *LXX* annorum, genuit *Abraham*, *Nachor* & *Aram*, & obiit anno *CCV*. *Aram* genuit *Loth*, & duas filias, *Melcham* quam duxit *Nachor*, & genuit de ea tres filios, scilicet *Hus*, de quo venit *Job*, *Bus* de quo venit *Balaam*, dictus *Heliubusites*, & *Baruel*, de quo *Laban* & *Rebecca*, de quibus in *Genesi* & in *Job*. Sub hoc *Thare* in nativitate *Abrahæ* terminatur secunda ætas mundi, quæ habuit secundum *Hebræos* *CCXCII* annos, & secundum *LXX* *Interpres* & *Eusebium* habet *DCCCXLII* annos. Sicque ab initio mundi fluxerunt secundum *Hebræos* anni *MDCCCXLVIII* sed secundum *Orosium* & *LXX* *Interp.* sunt *M.M.M.*, *CLXXXIII*.

TERTIA ÆTAS INGIPIT,

ABRAM, vel *Abraham* natus post diluvium annis *DCCC XLII* anno *Nini* Regis *Assyriorum* *XLII* & *Europa* Regis *Sicyoniorum* anno *XXII* cum esset annorum *LXXV* cœpit peregrinari ad mandatum Domini: cui tunc *Deus* promisit semen de *Zara*, & iste erat primus annus repromissionis *Abrahæ*. Anno *Abrahæ* *VIII*. *Trebeta* frater *Nini*, filius *Beli* cœpit ædificare civitatem in *Europa* *Treverim*. *Semiramis* enim noverca sua, uxor *Beli*, ut sola regnaret, filium suum *Ninum* interfecit, & fratrem fugat, qui profugus venit in *Europam* ad fluvium *Mosellam*. Unde *Pantheon*:

Femina terribilis prælia mira gerit.
Filius est Trebeta de Nini semine Regis,
Cedere quem regno regina noverca cœgit;
Pulsus ab hinc Trebeta subijt Germanica regna
Fundas ibi Treberim fluvio præsentè Mosella.
Insignem profugus Treverim sic condidit urbem.
Post eadem Treveris Belgica Roma fuit
Ante Romam Treveris fuit annis mille trecentis.